

四庫全書

集部

欽定四庫全書

集部

粵西文載卷九

詳校官庶吉士臣瑚圖禮

主事銜臣徐以坤覆勘

總校官庶吉士臣朱 龜

校對官中書臣王 璞

謄錄監生臣史映綵

欽定四庫全書

粵西文載卷九

桂林府通判汪森編

奏疏

到任謝恩疏

張任

臣惟西粵地雜民猺近歲特承專鎮撫臣職兼文武自來慎簡殊才頃當諸巢震疊之餘稍因息警顧茲羣醜叵測之習每慮潛滋正輯處之孔殷詎付託之易效念

臣迂愚末品章句庸流兢兢檢持雖積歲之迢遞役役  
簿領慚歷考之虛糜方擯伏之是甘寧甄拔之敢覬乃  
蒙簡命驟溢分涯蓋緣聖世兼採片長不下遺於葑菲  
故以孤蹤亦塵末照未遽弃於駑駘濫沐鴻慈深虞蚊  
負臣敢不恪持表率堅勵素心杜孽消萌庶冀蠻烟之  
遠靖綏良鋤梗仰裨帝德之覃敷臣下情無任感激屏  
營之至

各道職掌疏

題為遵奉明旨定職守以便責成事據廣西布政司呈  
奉臣案驗仰司即會按察司將二司各道職守中有混  
雜彼此牽制者作速查議分定畫一通詳以憑具題施  
行依奉該本司左布政使吳椿會同按察司按察使林  
澄源查得二司各道如清軍糧儲驛傳屯田提學系統  
轄全省各有職掌事無紛侵分巡桂林分巡蒼梧永寧  
兵備各道所管地方先經撫按題請改隸明白無容再  
議惟府江兵備道原奉勅專一提督府江及全州馬鞍

咸水西延古田永福理定等處地方今古田已平改為  
永寧州添設兵備副使一員駐劄該州專管永福義寧  
并理定地方其全州馬鞍咸水西延先該提督兩廣軍  
門奏改分巡桂林撫夸道管理府江道並無干預分巡  
左江兵備道原奉勅整飭潯州南寧太平思明等府州  
縣兵馬駐劄太平府續移南寧府居中調度及查南寧  
府武緣縣已經題改割屬恩思恩軍民府隸右江管轄該  
縣有膺墟葛墟地方與南寧宣化縣連界二墟之民素

稱兇悍暗通寨賊為患合無比照江西湖西嶺北二道事體凡地方賊情防守兵欵仍應本道兼制分巡右江兵備道原奉勅駐劄賓州往來柳慶南寧等處提督今南寧已有左江兵備駐劄右江兵備並無干預相應改正呈乞會題將各道勅諭各照近年見管地方換給庶為便益該臣會同巡按廣西監察御史顧鈴議照設官分職必法有定守然後事有專責西粵邊徼半多夸情有為地方既靖而添設或因事勢稍殊而量移節經題

請職守本明查得布按二司清軍糧儲驛傳屯田提學各道及分守四道分巡兵備六道一應分理事宜俱無混雜牽制相應照舊但於原奉勅諭內該府江兵備道原管全州馬鞍咸水西延古田永福理定地方近年奏設永寧兵備及改隸撫奪道管轄又左江兵巡道原在太平府駐劄續移南寧府係左江適中之地便於調度流土官兵及武緣縣近改隸右江管轄該縣膺墟葛墟地方與南寧宣化縣連界墟民頑悍應併兼制共圖消

弭又右江兵巡道在賓州駐劄原開往來南寧等處提督但今南寧既有左江兵巡移駐則右江兵巡應免遙制即今分畫行事因各有專屬別無異議惟原領勅諭開載微有互異據各呈報前來相應改換以便欽遵顧一時地方非遽有窒礙似當聽候該道陞除之日換給以省煩擾者也如蒙伏乞勅下吏部再加查議將左江兵巡道仍舊駐劄南寧以便調度太平思明等府州縣兵馬右江兵巡道照舊駐劄賓州免其遙制南寧若遇

鄰界盜賊竊發仍各一體應援共濟原奉勅諭候新任  
兵備應領之日乞各照近年見管地方換給府江兵備  
除去全州馬鞍咸水西延古田永福理定右江兵備除  
去南寧左江兵備添入兼制武緣縣膺墟葛墟地方以  
便責成行事與各守巡道務要不時遍歷所屬各府州  
縣問民疾苦伸理冤抑撫安夸獵節省里甲等項每歲  
終將行過事蹟造冊繳報撫按衙門稽覈轉報該部查  
考如或怠玩曠職聽臣等參究庶法紀尤明而官守民

生兩有裨矣

捷報兩省官兵勦平山寇疏

題為山寇非時劫掠捷報兩省官兵全夥勦平併敘錄  
效勞人員事本年四月二十八日據梧州府鬱林州申  
四月二十三日據本州吏目陳思聖呈稱本月十七日  
巳時據千戶所軍人樊大報稱有木頭峒強賊一宗約  
三五百餘徒突來木綿地方十八日未時又據狼兵周  
能報稱前賊流劫大坡塘表韋村木綿羅充金頂樟木

等村劫擄人牛燒燬房屋屯劄金頂招贖人口本日酉時又據鄧鳳報有流賊一枝約有百餘由博白沙田直出本州地方向往未定等情到州申報到臣隨即督行蒼梧守巡道會同帶管潯梧參將事坐營官都司周勲調集營堡官兵相機勦捕去後隨據分守蒼梧帶管兵巡道右參政王原相呈稱見奉總督兩廣軍門憲牌看得前項地方乃係潯梧參將汎地忽報賊衆聚至前數一面申嚴號令督行各該官兵上緊前去併力擒勦差

官擊捧令旗牌到道責令督軍行事及會同分守道官  
立刻起程監督帶管潯梧參將事都司周勲統督部下  
左右三營官兵及隨宜量調附近七山等營與各該州  
縣營堡各兵兼同軍衛州縣掌印巡捕等官相機追勦  
盡絕獲功解報以膺敘錄敢有逗遛觀望及失機違令  
者自指揮及名色把總以下綁拏軍前以軍法從事都  
指揮以下呈報軍門以憑遵照欽奉勅諭內事理從重  
施行各該官兵合用糧餉船隻器械凡軍中所需物件

等項即使徑行所在官司酌量取用一面具呈軍門詳  
奪依奉監督各該官兵即日起程於五月初六日齊至  
鬱林分布進剿等因該臣又經牌行該道參務查各賊  
蹤迹向徃抵巢撲滅以靖地方又該蒼梧兵巡道新任  
副使侯國治適值赴省到任臣即督促馳往鬱林協同  
料理及看得我兵雲集彼賊必奔突潛遁難以收拾且  
左江地方與廣東海北靈山合浦等處皆係接壤毗連  
之地當行申督左江兵巡道督兵夾勦續據分守參政

等官王原相等各陸續呈報監督官兵攻破賊巢擒斬  
俘獲及撫安過復業良善民狼逋共四千七百三十一  
名顆口其餘墮崖傷死者難以數計緣由到臣該臣批  
發該道照例紀驗事完分別有功人員呈詳以憑會行  
題請去後續據分守蒼梧道右參政王原相呈稱該本  
道遵奉祇領令旗牌監督帶管潯梧參將事都司周勲  
統領附近七山北科連城六雲指揮李汝賢朱綵杜熊  
兆右營把總林璲左營百戶艾濟用督兵百戶雷朝輔

等各統領營兵及戍梧土兵并五屯所旗軍於五月初六日齊至鬱林本道先行梧州府知府陸萬垓督發兵餉併將收貯兵器鳥銃等物解赴軍前及行同知魏仕賢推官蔣上欽催督各縣糧米接濟兵食各賊聞兵追至俱遁回原巢本道先督發指揮杜熊兆帶領部兵前去興業并把總高智領左營兵一枝前往橫州地名烏蠻甜菜橫石磯等處把截及嚴督各縣起集兵夫晝夜四處裝伏守把如有星散潛藏賊徒及姦人為賊打探

消息即便擒拏解報又左江兵巡及廣東海北二道隨  
奉軍門行令督兵防截彼此應援隨據鬱林州申據緝  
獲賊蹕梁善富黃四并姦細王觀成審報六雲城隍塘  
表等巢賊首黃邦緣老黃即覃扶王覃妙敬覃邦香覃  
扶安即覃安覃特茶等殺牛備酒聚黨四五百徒於本  
年四月十七日至大坡韋村木綿屯劄大肆劫掠殺擄  
人牛會攻貴平鄉羅漢等村寨令善富等四往探聽官  
兵消息被兵捉獲解道審供情真又據興業縣鄉官生

員鄉民十冬耆老譚汝讓何漢臯譚堯臣等各告稱屢被前賊劫殺人財焚燒房屋為害甚慘告乞征剿急救倒懸該本道看得城隍等山反狼勾引廣東合浦銅鼓巢諸賊為患兩省地方去冬打劫博白縣今復鈔掠興業等縣父老紛紛赴訴備言慘害即當發兵殄滅第恐玉石不辨當差把總王明前去分別良惡村寨豎立旗號審察賊情及會都司周勲議行興業縣查勘回稱拘集各圖招主潘大廣十冬老人約正梁廷居等結報賊

首黃邦緣慣通廣東海北賊首黃章弟等劫掠為患請  
乞發兵先剿城隍等巢次及銅鼓巢則虎狼無脫網之  
虞城池獲寧息之慶隨即分布官兵以坐營官都司周  
勲統督指揮李汝賢領兵由木根把總林璲領兵由平  
山俱至蓮塘等山指揮朱綵杜熊兆領兵由平山抵塘  
甘等山百戶雷朝輔督泗城州戍梧土兵鎮撫魯儒督  
該州守城目兵打手并相見嶺營兵俱由橫嶺進石門  
等山百戶艾濟用督兵由跳崆進馬村等處及行鬱林

陸川博白興業各州縣掌印巡捕官起集鄉兵協同進  
勦又該廣東海北兵巡道僉事熊惟學督廉州衛指揮  
耿宗泗當守衡等官統領操營及衛所漢達官軍狼目  
兵勇并督合浦靈山二縣各督所在官鄉兵夫會勦截  
殺及該左江兵巡道參議兼僉事李一迪查得各賊原  
與八寨賊巢聲勢相通軍兵追勦勢必潛遁貴橫地方  
入寨為患即遵行分布指揮千百戶趙之奇等并行南  
寧潯州橫州貴縣馴象奉議府衛州縣掌印巡捕等官

鄉兵夫僇力勦捕三道分布合進又奉行委陸川縣知  
縣彭懋祖隨軍紀驗功次該分守蒼梧道看得有名大  
賊首黃邦緣素稱狂悍須首生縛使諸酋聞風落膽自  
可一戰而定隨遵奉總督軍門及巡撫廣西軍門各機  
宜方略令把總王明依計生擒賊首黃邦緣并次賊首  
覃全周顯羅扼並至軍前該道當即監督都司周勲申  
嚴號令統各哨官兵於五月十七十八日攻破木頭峒  
城隍石礎塘表崆峒觀村銅鑼石山等巢通計自萬曆

七年五月十七日開刀起至本年七月二十日班師止  
獲過功次數目計蒼梧守巡道監督坐營都司周勲統  
各官兵擒斬有名大賊首一名賊首賊甲十四名顆從  
賊四百零三名顆俘獲賊屬一百二十一名口奪獲賊  
仗六十一件牛五十九頭馬一匹陣亡兵一名被傷兵  
二十八名潯梧參將張榜統各官兵生擒有名大賊首  
一名賊首一名擒斬從賊八十七名顆俘獲賊屬一十  
六名口撫安過復業良善民狼三千八百六十名口奪

獲賊仗三十九件馬一匹左江兵巡道監督指揮尹邦  
俊等官兵生擒有名大賊首一名賊首一名擒斬從賊  
一百二十四名顆俘獲賊屬一百零一名口奪獲賊仗  
二十八件牛二十頭馬一匹銀牌一面重三錢贓銀八  
兩九錢被傷兵二名總計本省官兵擒斬俘獲撫安過  
復業良善民狼共四千七百三十一名顆口奪獲賊仗  
一百二十八件牛馬八十二頭匹以上功次俱監督道  
督發各該委官審驗賊屬牛馬估賣價銀與賊仗等件

收庫內蒼梧左江守巡道將生擒首從賊犯黃邦緣等  
一百一十一名斬級三百八十三顆賊仗九十三件陸  
續解赴總督軍門批發監軍道會審紀驗明白尚有賊  
犯李狗四等九年年紀頗幼為惡未深發回蒼梧道覆  
審定奪并漏泄敵人重犯王觀成及賊犯陳廣昇蘇惟  
受等俱監候另行勘問監故各賊照例斬級發回賊行  
要路梟示各賊為害數十年罪惡既盈擢髮難數茲者  
仰仗軍門臨鎮申飭軍令適當羽檄之報遂彰討伐之

威專督道參獎率兵士密授方略奮發鷹揚致成奇捷  
厥功偉焉各該有功員役請乞敘錄等因具呈到臣除  
將生擒首從賊徒行該守巡道覆審無冤遵照兵部原  
題准嚴法令以靖地方事例差官押赴市曹照例處決  
賊級聽巡按御史紀覈賊屬牛馬變價充賞賊仗改充  
兵用贓銀銀牌收庫陣亡被傷官兵處給棺藥恤治外  
該臣會同總督兩廣軍務兼理糧餉帶管鹽法兵部右  
侍郎兼都察院右僉都御史劉堯誨議照廣西鬱林興

業等處木頭峒劇賊黃邦緣覃扶王等本以狼苗異族不務耕鑿專嗜殺戮結巢負固黨類實繁且介在東西兩省之間乘虛逸出則人不知其所守飽欲散歸則兵又不知其所攻各該守土文武之官俱以疆土自分使事有職惟冀擁兵以幸免孰能併力以同仇顧自成化十六年間討平以來迄今年齒日繁虐焰愈熾流毒兩省蠶食四隅而又勾結廉州合浦銅鼓巢賊首黃章弟等相為羽翼遂成狐兔之窟屢恣蛇豕之兇將使八九

州縣之中民鮮寧居家無完族此其罪惡豈王法所宥  
邪茲者崇朝生縛全夥受誅雖斬獲無多而其數亦止  
此且兵不再籍餉不煩加師不踰時賊不漏刀吏民按  
堵被擄生還是皆仰仗皇上聖武懋昭致臣等得以便  
宜從事以收薄伐所據與勞有功文武官員如蒼梧守  
巡等道將領等官右參政王原相等協議殫勞致收全  
捷已經督臣敘列無容異同如蒙伏乞勅下兵部再加  
查議將前項有功人員分別上請俯賜施行其獲功官

兵仍行巡按御史覆覈具奏陞賞庶多事之地有所激勸而人皆樂於用命矣謹題請旨

恭謝恩賞疏

奏為恭謝天恩事萬曆七年十二月二十六日准兵部咨為山寇非時劫掠捷報兩省官兵全夥勦平併敘錄效勞人員事該本部題覆臣等奏報勦過鬱林等賊功次緣由奉聖旨劉堯誨張任各賞銀三十兩綺絲二表裏王原相等各賞銀二十兩李汝賢等各十五兩陸萬

核等各十兩欽此欽遵備咨前來隨於萬曆八年二月  
十六日據承差許學樂齋捧前項欽賞銀兩表裏到臣  
臣當即祇領望闕叩頭謝恩外竊惟粵之有猺譬諸蔓  
草勢難免於誅鋤顧其性之憫死亦等於齊民法不廢  
夫區別自昔恩威互用每由戒備素嚴矧茲梧境之屬  
隅甫值督臣之臨鎮非時流犯信賊貫之已盈就近窮  
追幸軍興之罔後殲渠宥脅拊順招攜是皆夙仗於廟  
謨遂獲亟收於羣力役僅逾月事本因人詎期聖慈之

下臨概冒首功之上賞兼金寵賚彩幣游頒省躬曷稱  
於殊恩拜命祇驚於溢分榮光蕃渥感懼交加臣敢不  
仰念陶鎔矢精白於夙夜永言被服勉綜理於馳驅臣  
無任感激屏營之至

十寨捷音敘功疏

該臣會同總督兩廣軍務兼理糧餉帶管鹽法兵部右  
侍郎兼都察院右僉都御史劉堯誨議照八寨獵賊向  
與古田並著而兇悍狡黠實則倍之至於劫司庫戕藩

臣迨今地方言及尤所切齒者往歲大征古田勢難並舉姑因其乞撫暫聽羈縻乃詭報丁糧流毒如故繼復殺逐龍蛇啼咳長官司占成十寨氣燄日張雖一方剥膚之虞共稱孔棘顧自來負隅之態咸謂難擗加以頻年征調未遑坐致羣醜跳梁無忌恭際熙明之會方當重驛咸賓詎容版籍之間尚使么麼假息荷蒙明命亟允徂征於是天討宣昭人心踴躍臣等幸緣欽承獲畢其愚頒令既經五申特懲妄殺分哨各當一面尤務環

攻諸所機宜專責主帥乃協文武之心力竭土漢之伎能遇敵咸挺戟先登值險則緣崖競奮計期未逮於三月俘馘遂及於萬餘五百里負固之巢自此根株盡拔數十年逋誅之寇迄今憤懣始紓振旅完歸遍聽驩呼於士女沿村撫輯庶消攜貳於兇頑說者謂茲巢既殄不惟本省腹心之患獲除亦於鄰省肘腋之虞遂杜即臣等舉事之始浮言籍籍臨事兢兢誠未敢遽望及此豈臣等智力所能及哉蓋恭遇我皇上聖睿日躋神武

天授千靈助順來玉帛於殊方一怒致安振紀綱於全  
粵密勿輔臣夙隆一德素注遐荒一時安攘之謀猷悉  
賴弼成之明斷本兵則度夸情如指掌無遠弗周運籌  
策若轉圜有疑必決斯皆上簡聖心非臣等所敢擅議  
總督兩廣侍郎劉堯誨才識並隆文武共憲首訊寨徒  
之流毒聲罪宜先繼因東警之漸寧議征遂決分兵助  
餉而兼資罿鎧豈惟綜理若雲湧川流命將誓師而移  
駐蒼梧益使威聲如風行雷厲十萬衆之爭先用命咸

因鼓舞輸心兩月餘之嚴督收功尤免淹持厚費顧臣愚實何能為役賴指畫悉仰受厥成先巡按廣西監察御史今丁憂顧鉉紀綱具飭延訪加詳誼遂篤於分憂亟會興師之疏功必期於共濟多貽慮遠之猷今巡按廣西監察御史胡宥憲度夙昭忠猷歷練兼程莅境真懷過門不入之心先事炳幾共定善後經長之畫功咸親覈事賴相成然與臣皆為憲臣遵明例不敢概敘外看得鎮守廣西總官兵征蠻將軍後軍都督府署都督

僉事王尚文賦性忠誠臨機沉毅博諭全寨之谿谷則  
繪圖審勢動在目前密定分哨之機宜則畫界籌兵立  
資談頃火器甲仗之修製即纖悉皆出心思嵒崖林箐  
之馳驅雖險艱咸經露宿有分有合一鼓奏獮雍之功  
惟廉惟公四哨視翕張之準允副平蠻之重寄懋宣專  
閫之殊勞此一臣者似應特從超格陞錄仍加厚賚者  
也廣東按察司監軍副使劉世賞才猷卓犖紀律嚴明  
全粵之成算夙運訏謨西徼之偏師遂資多助此一臣

者東臬資望既深似應併從優敘陞賚者也監督忻城  
哨續兼監督三里哨廣西布政司分守右江道右參議  
姜忻料事精詳馭兵嚴慎賊藪即當其控馭而羽書旁  
午確有擔當土司多屬其調徵而戰守始終悉資籌畫  
監督上林哨分巡左江道右參議兼僉事今陞浙江按  
察司副使李一迪才識博通執持堅定調兵輓餉而東  
征之熟轍再展輕車履險肩繁而本哨之延袤正需長  
駕監督夸江哨蒼梧兵巡道副使侯國治忠謹素孚拊

循最善經舊郡而土兵趨集深藉識途濱奪江而營壘孤懸獨厓却顧以上三員憂勤軍務出入賊巢報級雖有微異成功總賴協恭似應並從超格陞賚內姜忻近已陪推蜀臬即今寨中善後事宜責成正殷似應就近加秩仍留本道效用者也三里哨思恩參將李應祥體貌奮揚謀勇超卓枕寨巢而駐劄則預防思患久慎綢繆倡圖說而請征乃鼓衆先登獨多擒馘忻城哨柳慶參將倪中化智慮深長韜鈐熟練協謀討賊而右江均

為屬轄積歲戒嚴併堡抽兵而堅隘夙所講求崇朝殲翦奪江哨永寧參將于嵩馭下多恩臨戎有翼親冒矢石而夾江奪險士氣益揚徑抵周安而據窟搜殘陣圖彌確上林哨潯梧參將張榜靖恭不貳慎重有餘擒逸賊於行途而幾緩師期自當錄其奇捷購嚮導於深峒而連報功級尤應識其苦心廣東練兵遊擊將軍金丹識經百鍊忠徹一心奉檄督征而四哨之轍環咸資其勝算提兵協擊而上林之榆績尤仗其同仇總統哨總

兵坐營以都指揮行事洪夢鯉夙練韜鈐協謀帷幄慮  
周四哨而緩急策應既贊拮据之勞兵止一枝而先後  
誅鋤併懋摧堅之績以上六員似應並從陞級優賚而  
李應祥兵威尤銳功級獨多即今善後之責全屬本官  
合無加陞副總兵職銜以重其事權者也上林二小哨  
原任參將梁守愚忠勇性生況復飲憂而嘗膽謀猷夙  
壯益緣使過而奮身每戰必克獲功獨懋一小哨原任  
都司王堯臣貌偉氣雄事久論定熟知生長之地利所

向直前承委防護之營兵敢肩善後忻城領小哨慶遠  
守備童元鎮智足摧鋒久經營於近界恩能動衆遂競  
奮於前驅夸江領小哨永福守備孫世寶夙闇將略言  
貌具見鷹揚素熟夸鄉險隘多資鏡折三里領小哨賓  
州所指揮李時中南丹衛指揮劉安邦忻城領小哨柳  
州衛指揮孟宗文慶遠衛指揮戚秉忠夸江領小哨桂  
林右衛指揮裴以義總統領小哨桂林右衛指揮張啓  
謨各當一面之寄共成八克之奇以上十員似俱應優

賚仍候查覈功次照格敘錄內梁守愚原係立功應為  
准贖王堯臣原係聽降守備應為遇缺推補者也原管  
理糧賞分守桂林道左參政彭文質當右江極饉之際  
蚤作夜思值大衆驟集之初慮周見定次第分投輸輓  
而軍前每有贏餘通融合省新陳而民間絕無派擾原  
監督三里哨右江兵巡道副使陳俊念切門庭之寇建  
白紛馳功高追逐之多艱危遍歷居官之先後不無異  
節敘列之功過固難相掩此二臣者事在垂成而彭文

質以拾遺閒住似應併從敘錄或進秩致仕陳俊以舊任知府大計考黜見經提問應否於應得罪名量為減等未敢擅擬者也布政司署印督理糧儲道右參政王天爵府江兵備道右參政兼僉事陳應春分守蒼梧道右參政林舜道按察司紀功清軍驛傳道副使周舜岳署印分巡桂林撫寧道副使歐陽模調兵籌餉多贊決於勸勅法明刑更嚴密於綜核以上五臣似應並加優賚者也原任左布政使今閒住吳椿原任右布政使

今聽降盧仲佃原任按察使今陞四川右布政使林澄  
源新任分守桂林道左參政彭富或決策於初事或經  
畫於成功都司掌印署都指揮僉事白玉僉書署都指  
揮僉事鍾維岳呂應陽志銳除兇心虔督備雖到司俱  
值進師之後顧每事咸需料理之周以上七員似應併  
加議敘一體賞賚者也柳州府知府李遇春議留雖為  
賑災先事實資用武思恩軍民府知府鄭國臣當兵糧  
之孔道屬調度之分猷桂林府署印同知梁直署永寧

州印通判樊芝管運糧通判李佳徵帶管巡捕推官孫承南南寧府署印同知周易署宣化縣印通判江龍署橫州印思明府同知縣丞房亮慶遠衛經歷陳坦桂林右衛經歷揭喬桂懷集縣典史何敦以上八員或先期修造器械或隨哨分發糧銀冒險奔馳爭先委用似應量行給賞者也廣東營領兵名色把總王聰白元潔胡文光廣西各哨領兵名色把總邵濱周大用柴元龍劉志富艾濟用陳九經又各哨中軍督陣桂林右衛指揮

胡紹勲吳克儉南寧衛指揮余欽潯州衛指揮周德隆  
柳州衛指揮徐民瞻五屯所指揮李懋樑奉議衛指揮  
沈謇浙江觀海衛千戶尹國祥福建漳州衛中所鎮撫  
鄭以忠南丹衛中左所千戶陳嘉猷古田所千戶張汝  
能李椿廣東新寧所百戶伍志廣州右衛前所百戶李  
道基廣東碣石衛左所百戶劉元威武舉生陳應辰原  
任守備今充軍沈燦以上二十六員名或率衆奮衝賊  
壘或隨哨督贊軍前均效勤勞似應併加量賞仍候查

核如係獲功者一體照例敘錄內沈燦功罪應否量俟  
開贖者也抑臣等再照八寨之為西粵患既已有年顧  
延久未即議征者非但疑於兵之難用釁之難開亦每  
以迫於時之未暇費之無措也原任督撫陞戶部尚書  
今致仕殷正茂戡定古田之亂震威福於蠻方倡議鹽  
法之興導利源於瘠壤豈惟西土之人士固已家戶祝  
而戶謳歌乃令後來之官守咸獲循轍途以培命脈計  
當年善後之圖豈一日忘情於八寨即今時幸成之績

皆遺澤留贍於十年大臣謀國之忠因事愈著輿情遡  
功之論彌久益真原任總督今陞南京兵部尚書凌雲  
翼原任巡撫陞戶部侍郎今侍養吳文華同心靖寇歷  
歲籌兵念各徒之占據貽殃而累牘咨諷恨不滅此朝  
食憫遺民之流離失所而多方招集先已漸固藩籬北  
三峒之鶻勦而設以兵屯正已斷其右臂三里城之建  
築而駐以參將遂預扼其咽喉向以專事羅旁獲緩死  
須臾固亦動先聲於震疊今茲剋期亟舉非酌參成案

安望蚤就緒於旬時此三臣皆在部大臣固非臣等所  
敢擅議又以地方所自不敢泯默伏乞聖明特從追敘  
洪敷曠恩以為大臣忠事者之勸其前項應陞應賞官  
員勅下該部再加覆議上請分別甄錄其餘臨陣獲功  
人員聽巡按御史叢實具奏有功土司官容臣等查明  
另行題請及軍前一應文武供事官員一時開敘未悉  
者聽臣等分別獎賞不敢一一瑣瀆外為此具本謹題  
請旨

十寨善後疏

題為酌議十寨善後事宜以圖久安事據廣西布政使司呈奉臣并總督兩廣軍務兼理糧餉帶管鹽法兵部右侍郎兼都察院右僉都御史劉堯誨巡按廣西監察御史胡宥批據分守右江帶管兵巡道右參議姜忻呈該會同總統哨總兵官王尚文統督忻城哨柳慶參將倪中化統督三里哨思恩參將李應祥議開十寨善後事宜緣由俱奉批本司會同按都二司查議詳報該本

司署印分守桂林道左參政彭富會同按察司署印分巡桂林道副使歐陽模都司掌印署都指揮僉事白玉遵將該道條議各項事宜參酌停妥列款開詳到臣案查先該臣竊計十寨地方分哨進剿收功有期善後為急即行右江守巡道酌議間又准總督兩廣軍門咨同前事隨又督行該道查議具報前來已經批行會議去後今據前因除分給田畝撫插殘徒與一應防範處置諸事臣等督行各道參等官一面分投經理外該臣會

同總督兩廣軍務兼理糧餉帶管鹽法兵部右侍郎兼  
都察院右僉都御史劉堯誨巡按廣西監察御史胡宥  
議照十寨獵賊倚蠻負固隨撫隨叛雖處右江封域之  
中而稔惡窮兇實貽全省腹心之害茲幸天威震疊巢  
穴蕩平侵疆盡復誠地方寧謐之會但進兵之始雖經  
慎密而風聲自是難掩安保無漏刃之徒俘馘之數雖  
已萬餘而殘孽方且潛窺恐致有浸淫之漸歷稽往轍  
既嫌鮮終近攷古田庶為得策乃集思博採據各司道

會議善後各款事宜臣等覆加參酌謹條為七事上瀆  
天聽伏乞聖明軫念邊陲勅下該部再加酌議如果臣  
言可採上請定奪行臣等欽遵施行地方幸甚臣等幸  
甚為此開坐具本謹題請旨

一設三鎮以重彈壓照得八寨地方原係遷江縣永安  
鄉之周安思吉古卯古鉢古蓬羅墨剥丁都者等地名  
為八寨梗化有年洪武二十五年開設屯田千戶所改  
撥該所百戶韋鏞等八百戶管束冊載屯田子粒米三

百六十四石有零旋因叛亂控制不前至弘治六年該  
鎮守總兵吳山調兵勦平撥付恩府土知府岑瑛世  
守極稱寧謐再傳而至岑濬以他罪伏誅寨賊復亂正  
德間又撥與歸順州土官岑璋轉付伊姪岑梧代守亦  
稱治平不數年梧以家難掣回本州遂致亂復如初緣  
其地形四塞官難制服則設縣置所不如以奪治奪其  
策誠為長便今既犁庭掃穴應照古田三鎮事例以周  
安古卯為一鎮思吉古鉢羅墨為一鎮都者古蓬剥丁

為一鎮通融均其田里各建一城約共用銀一千餘兩就令見調東蘭州官弟韋應鯤韋顯能及田州總目黃馮每人給與冠帶充為土巡檢各帶精兵千名攜家世守仍統於思恩參將而隸於賓州初年各給該鎮農具牛種銀二百兩以為經始之費及各族目每名月支口糧銀二兩四錢大頭目各月給銀七錢二分小頭目各月給銀三錢六分各散兵行糧魚鹽每名月給銀二錢悉如古田之例待下年次第量減至三年之後彈壓有

功准與題請實授土巡檢原給農具牛種銀兩即償其勞如或違法重大亦聽臣等更置併追農具牛種還官其所耕種田土通候四年之後照前載米數量徵子粒三分之一以示恢復輿圖增益國稅凡奉近地征調各令出兵五百名以應公家之役但今新造鎮城般移家小買牛布種悉皆草創之初加以招撫殘徒尚當戒嚴之日責其獨力艱承似未易勝又應比照古田留兵舊規將見今出征數內定取有志建功下雷峒土官許宗

蔭上映峒土官許尚惠田州土官岑太祿令其共留兵一千名分營防護如或不足責令補數俟各鎮城既完秋成已獲殘徒撫處歸一方纔釋放每兵亦月給行糧魚鹽銀二錢放日停止如果效有勞績亦候三年之外另與題請陞峒為縣以示旌異其田州一併與黃馮等總敘加恩庶不必添設流官而保障有賴伏乞聖裁

一屯三里以樹聲援照得八寨地方周圍五百餘里久為盜賊之區而三里原係上林縣循業里撫安里古城

里與之切鄰先年民居田里屢被殺占遂將循業里改  
名曰龍蛤寨止存哨守官軍所居之黃村一村而撫安  
里則盡沒于賊改名曰咷咳寨以此增為十寨其古城  
里則僅存殘破之八冬此三里之所由名實為八寨門  
戶要地查得萬曆三年題奉欽依改設思恩參將議築  
三里城垣在彼駐劄原議足兵千名僅有其半兵勢孤  
弱且城垣雖於舊年訖工而公署尚未完以致未經移  
劄今既值蕩平則原兵合足原數併應行本參亟赴三

里城坐鎮及于龍蛤啼咳要害之地增築二大堡約共用銀三百兩各用兵三百名除參將原兵五百名先已議有工食外今又議復五百名又於外再加二百共七百名分為二營以一營六百名屯劄新城一營六百名分充二堡悉聽該參調度內以備三百里之緩急外以樹三鎮之聲援庶示犄角之勢伏乞聖裁

一分信地以重責成照得寨賊雖經蕩平之餘但漏刃亦所不免殘黨雖有潛歸之日而志愿只在投生況我

之兵威既振防備既周則撫處安插悉為吾民古田之  
近事可徵也第今新設三鎮一時之威令未揚乘間蟻  
聚不無可慮該總兵官王尚文議將參將李應祥駐劄  
三里統標兵一營并存留土兵往來遷江一帶除已有  
成議外又以參將倪中化駐劄穿山統募兵一營并戍  
守柳州狼兵往來北五一帶守備童元鎮屯劄忻城統  
永順永定兵五百名往來羅墨夸江一帶指揮李時中  
駐劄來賓統土舍黃寵等兵三百名往來迎恩牛巖一

帶原任都司王堯臣統名色把總周大用新募兵五百名往來上林三畔大明山一帶如有殘徒各就撫處分布三鎮給以餘田使自安生其有叛亂不聽約束者即行誅滅則盡地分守既可以消其復聚之患而安插得宜又可以堅其歸附之心其思恩參將原少募兵五百之數即以前項周大用兵數補充以免再募俟一二年後殘黨悉安然後隨時議掣伏乞聖裁

一遷衛所以振武威照得南丹衛八千戶所始自洪武

二十八年建于南丹土州本以衛民而設後徙于柳州府柳城縣屯種續有上林縣鄉民吳童等因寨賊為患奏移該衛於本縣左一里許築城以居縣治甚賴至永樂年間調征交趾軍多陷沒不能耕守隨改附賓州嘉靖七年新建伯王守仁以撫定叛目盧蘇王受之兵稍略定八寨又奏移入周安寨彈壓各官軍已領有遷家銀兩因守仁請告隨該接管都御史林富覆議以南丹衛改於三里曾築有城而又以遺孽尚存遂緣中止今

次大征較前兵威倍振合無查照原題議將該衛見存官軍三百餘名移於三里與參將同城仍建造衛所衙門約用銀八百兩及照羅旁遷所事例量給遷家銀兩指揮五十兩千戶四十兩百戶三十兩總旗間有貧難者各給一二兩不等大約又用銀六百兩以成居重馭輕之勢以廣還定安集之仁其參將雖住三里城仍不時往來三鎮二堡以申嚴約束庶南丹衛八所與參將同居一城威武日揚事體歸一伏乞聖裁

一議屯田以示優恤照得屯田之設寓兵於農邊務素重隨查南丹衛改移於上林之初供應不敷將該縣被賊殺絕人戶田糧二千三十九石撥為該衛屯田至後又徙賓州前田借撥恩府四十五頃有零遷江屯所四十一頃有零及退還上林者一千一百一十一石有零尚存該衛者不過九百二十八石有零俱多坐落循業等三里今以該衛移住三里則各里殘破之地不拘軍屯民產割自楊渡水為界盡作南丹衛屯田至於尚

存殘民亦准充為耕兵各照屯田事例每人給田三十  
畝納子粒米六石三年免徵該衛合用俸糧仍於賓州  
關支俟三年後屯田收成照畝輸納子粒其該衛原給  
屯田係在別鄉者俱聽清還上林縣抵補今割三里民  
田之數庶該縣雖稍有捐割可免肩背之憂該衛雖暫  
費遷移實享久遠之利伏乞聖裁

一開道路以通險阻照得寨賊所恃以為梗者四面阻  
山人迹不到故得恣其出沒莫可誰何耳如右江兵備

駐劄賓州所轄柳慶恩恩三府其慶遠本可徑達賓州  
計程不過二三日乃以經寨阻隔凡府衛文移必五日  
至柳州又自柳四日方至賓州即有急切事情常邀不  
相及此應首務開大路者也自寨迤南一路則出上林  
迤西一路則出安定皆恩恩徑路總之相距三里城聲  
勢聯絡但多林箐崎嶇且中有三畔之扼塞夸江之限  
帶必須審勢芟夸招募土民分設四小堡授田屯種每  
堡約兵民百人初年量給工食魚鹽每年約用銀五百

餘兩悉聽右江守巡道擇地建立庶得道路四通險阻盡闢可杜隙穴之漸伏乞聖裁

一議錢糧以裕經費照得前項善後合用之銀除三里參將見在募兵五百名工食已有定規無容另議外其暫留土兵添募堡兵各工食及三鎮行糧魚鹽農具牛種造衛造鎮立堡等項初年約用銀一萬八千六百四十餘兩次年約用銀一萬二千四百四十餘兩在錢糧寬裕省分支持似易若西粵貧瘠之地措處實難顧不

暫費者不久安不一勞者不永逸相應初年合用錢糧就于大征支剩兵餉併先奏留事例等銀共一萬四百七十兩三錢四分內俯容湊支次年合用并添募堡兵工食即於本省續獲鹽利銀及近據府江兵備道節縮年例餉銀二千餘兩等項通融給發如不足則嚴追兩江各土府州司應解折糧銀兩補支倘可隨時議處不敢瑣瀆天聽期俟地方寧謐仍陸續節裁不敢容令冒濫伏乞聖裁

五山善後疏

陳大科

一移置將領以重彈壓看得五山界在潯柳之間素稱盜區而謝村適當五山之中尤為要地先年曾經設堡于謝村馬鞍金箱然兵力既弱而統領無人故威勢不振叛服靡常應于謝村要地修建土城一座創置參將衙門就令尋梧參將有事則在彼住鎮無事則逐季巡歷又選用督備指揮一員專駐謝村常川防守庶要害據而威勢張將佐集而事權重反側者有所畏而不敢

為向化者有所恃以無恐五山可永底于寧矣

一調撥所軍以實重堡看得貴縣城內已有奉議衛貴縣所而城外又有向武千戶所蓋因先年征交南調移該縣見存官二員軍四十三名每年輪戍謝村金廂是二堡乃各軍踐更之熟路也今謝村新堡居民稀少應移全所置于謝村官署軍營與參將督備衙門同建就令官軍攜家住守蓋該縣有此似若贅疣而謝村得之則稍壯威聲不惟諸軍免更番之勞而五山亦有守禦

之固矣

一募布營兵以聯聲援據布政司會議謝村重堡合用  
募兵七十名併調梧鎮戍兵一百名及移向武所官軍  
居中督備領之自謝村迤西北十五里為馬鞍堡通武  
宣古臺來賓南四白牛則五山後門也應照原堡募兵  
四十名稍折十里而西為元村管東廖源鶴懷山口通  
來賓遷江捷路則謝村後門也應添小堡守以募兵二十  
名又折而西為寨思堡賓來南四六象山口遷江崑

山口賊村之要害也應照原堡添守募兵二十名又迤  
而南為定藏嶺控制馬羅疊址交通五山之門戶應添  
小堡守以募兵二十名通前馬鞍元村寨思定藏四堡  
領以官一員又自謝村迤東北四十里為金箱堡則南  
四古毫武賴交通龍山之門戶也向有土舍覃柳狼兵  
一百四十名合令仍舊耕守稍移而南為大砦嶺龍山  
五山之通衢也一以控山東山北蘆荻等賊村一以保  
固郭西北郭東民村應添一堡守以募兵四十名狼兵

二十名通前金箱大砲二處領以堡官一員又自謝村以南十里為黃梁橋上應謝村下接北霸應增小堡守以募兵二十名三十里為北霸墟則羣賊窺視城廂要路應添大營守以募兵五十名梧鎮戍兵一百名稍橫而西為墜笠堡荒僻深阻為各賊窟藏密邇思簡惡村向以山北狼兵六十名越境遠守無裨防禦應照原堡守以募兵四十名又折西北之佛子山即著落山北狼兵六十名守之通前黃梁北霸墜笠佛子山共四處領

以堡官一員蓋五山地方周圍數百里山深林密奸宄  
易生非四路置堡則聲勢不相聯絡非逐堡置戍則倉  
卒不便策應今以謝村建鎮城參備居中彈壓而謝村  
西北為五山後門東北通龍山門戶南達貴縣大路均  
為要害之區設立營堡添撥兵壯把守無事則時令巡  
緝可以杜乎亂萌有警則互相應援易以遏其出沒誠  
於守禦有裨矣

題為強宗歐人立斃乞賜究懲以嚴宗禁事疏

吳玄

廣西清吏司案呈奉本部送刑科抄出巡撫廣西地方  
贊理軍務都察院右僉都御史楊芳題稱前事云云為  
照任瞬系自天潢之派輒同胠篋之流攘官物其如攜  
輕人命以如菅已違祖訓復干憲典委官之檢審既確  
該縣之參究甚詳但係宗室例應會議合候命下臣等  
會同大理寺各堂上官議擬奏請定奪施行謹題請旨

酌議兩省班軍疏

郭惟賢

據守巡下湖南道會呈奉臣憲牌前事議詳寶慶寧遠  
永州三衛戍守廣西思恩軍士仍應撤回守柳州緣由  
到臣該臣看得國家以鄰省調戍遠地如寶慶永州寧  
遠等衛之戍廣西柳州因弘治年間借兵勦苗而留是  
始于一時之權宜而後卒沿為例也粵西地故荒涼兵  
力多資湖南省易戒震鄰傳稱同舟分兵代戍先年既有  
成例且所撥者不止寶慶永州寧遠三衛即長沙衡州  
岳州諸衛亦有之臣等何敢偏護一方士卒不為唇齒

輔車之慮第伏覩大明會典內開湖廣寶慶寧遠永州  
三衛官軍赴柳州城操守其餘長沙衡州岳州岑陵四  
衛所官軍俱留廣西城操輪流巡哨府江一帶地方再  
不許分撥重瘴地方令甲昭然在也乃今思恩一哨雖  
業經彼中前任撫臣題請第寶慶去西粵二千餘里戍  
苦矣又七百里而成思恩瘴癘交侵生還有幾想魂設  
祭誰不斷腸以故邵陵軍士目此為死戍夫詩人之念  
戍役也有我戍未定靡使歸聘之憂有我心傷悲莫知

我哀之歎猶云有歸期也今且投荒就死莫必其命矣  
以茲至慘至苦之狀視彼且十倍之安得不為之憫其  
情而甦其困者臣讀右江道龔參議之議詳與撫按諸  
臣之批語固已痛瘳共切優恤同心矣矧向也鋒鏑未  
寢羽檄猶飛縱疲于奔走亦何辭之與有方今烽烟久  
靖夜戶不扃思恩一帶已鮮萑苻之警焉用此疲卒附  
綴為也土著之募右江道既有定畫而扣留糧銀柳州  
府見貯在庫則寶慶思恩一哨與寶慶哨其苦一也寧

遠衡州長沙岳州等哨與永州諸哨其情均也或分兩班或免遠撥則尤朝廷破例之恩亦粵西諸臣一體之念也再照寶慶調戍柳州額軍三百近年消耗稍不及數嗣以一百調思恩即柳州自有為守者已無藉此百人矣倘得此百名撤回該衛將柳州見在班者查明籍數逐年選擇精壯以徃則捍禦得人緩急足賴而寶慶之操演城守可不致缺乏斯非兩利之策乎伏乞勅下兵部議覆上請如果臣言不謬仍行廣西撫按官將寶

慶及永州二衛近調恩一班照前議撤回并將寧遠  
長沙衡州岳州等哨一體議恤則不惟兩省執戟之夫  
可望更生之賜而聖天子南顧之懷亦少紓於萬一矣



粵西文載卷九

欽定四庫全書

集部

粵西文載卷十一

詳校官庶吉士臣瑚圖禮

主事銜臣徐以坤覆勘

總校官庶吉士臣朱  
鋐

校對官中書臣王  
瓊

賸錄監生臣史映綵

欽定四庫全書

粵西文載卷十

桂林府通判汪森編

表

廣西歷代州郡府縣沿革表

黃佐

昔堯遭洪水疇土居民始別九州舜肇州十有二說者  
白八家為鄰三鄰為朋三朋為里五里為邑十邑為都  
十都為師州有十二師焉蓋州凡四十三萬二千家或

曰二百一十國以為州與周禮所謂五黨為州州二千五百家者不同蓋唐虞所謂州畫土以命牧伯也周禮所謂州限民以施教法也周制天子方千里分為百縣縣有四郡凡縣百里郡二十五里故左氏傳曰上大夫受縣下大夫受郡較諸周禮所謂四甸為縣五鄙為縣者又不同按大司徒經土地而井牧其田野自方里而井積至四甸則方二十里遂人掌邦之野以土地之圖經四野造縣鄙形體之法自五家為鄰積至五鄙則二

千五百家蓋周制所謂縣因地設官也周禮所謂縣因  
田授民也楚子嘗縣陳矣以國為縣其大可知也孔孟  
所稱葉公費惠公之屬特一縣尹爾下王一等至僭稱  
公則其大又可知也秦兼天下初置三十六郡以監縣  
於是郡始大而縣反小漢復十二州孝武皇帝南平百  
越北攘戎狄置交趾朔方獨不稱州明帝王不相沿襲  
蓋或猶羈縻視之不可知云交趾統七郡治蒼梧廣信  
即今梧州府  
孝獻皇帝建安二年南陽張津為刺史交趾太

守士宴表言伏見十二州皆稱曰州而交獨為交趾刺史何天恩不平乎若普天之下可為十二州者獨不可

為十三州乎詔報聽許拜津為交州牧加以九錫形弓

彤矢使持節并七郡皆給鼓吹禮樂征伐威震南夏與

中州方伯齊同自津始也其後交州徙治番禺

建安十五年又

復分為廣州晉始有使持節都督荆揚交廣諸軍事之制是

謂軍府梁又開督府於交廣隋制州皆置都督府唐因

之又置總管府蓋府以領軍得名如帥府幕府嶺南五

府之例其以名郡則自宋始宋制州有節度重鎮者始陞為府分廣南為東西路西路之府惟靜江慶遠

靜江本桂

州陞慶遠本宜州陞餘皆為州元制凡府州皆為路路有總管府

明制分天下為十三布政司統府府統州州統縣有州

不屬府而屬布政司者亦有縣不屬州而屬府者因道

路遠近相時制宜故也由是言之州始於陶唐州統縣

縣統郡始於周郡統縣始於秦州統郡郡統縣始於漢

三國鼎分迄於南北割據置州始多

南朝州郡志名號屢易境土屢分或

一郡一縣割為四五四五之  
中亟有離合至梁陳益難紀

至隋而州郡相等唐乃混

州郡為一宋始有府猶與州並肩不相統然郡之名至是遂廢蓋府實即郡也其在於今府始大而州益小州蓋有與縣等或有反不及縣者矣越在邊徼府有無軍衛者則曰軍民府又有所謂長官司以領蠻髦者嗚呼古今沿襲名實互換州郡離合寢失厥原秦之桂林今之平樂南境也吳之桂林今之武宣也今之桂林漢之零陵之始安也漢之鬱林今之桂平也今之鬱林唐之

南流也秦之象郡在合浦以南而今象州有陳象郡遺  
蹟焉隔牆聽聲知何人斯而況千載哉是故吾觀於是  
而知三代之禮之不可遽復也作沿革表

歷代	州	郡	縣	沿革
漢	交	桂林	明桂林柳州平樂梧州潯州南寧	武帝元鼎六年置交趾部刺史領十二縣布山治布山
	鬱林	象	明慶遠府象州及博白容縣	領十二縣布山治布山
	南海		明藤縣岑溪懷集	
	廣		賀縣	明桂平縣
	阿林			

史東漢初改文  
趾曰文州俄復

舊獻帝建安八  
年始定為文州

領縣林蒼梧合  
浦

廣鬱

中溜

明桂縣  
明象州

桂林

明武宣  
明馬平融縣洛容柳城

臨塵

明賓州及宣化武緣

增食

明賓州及宣化武緣

定周

蒼梧  
領縣文東漢廣信  
永平十四年

置鄆平縣

嶺方  
雍雞

明賓州及宣化武緣

謝沐

明賓州及宣化武緣

臨賀

明賓州及宣化武緣

馮秉

明賓州及宣化武緣

富川

明賓州及宣化武緣

荔浦

明賓州及宣化武緣

猛陵

明賓州及宣化武緣

鄆平

明賓州及宣化武緣

明藤縣平南

明平樂修仁荔浦三縣

三國吳		廣		荆		合浦	
都羅	郭平	交州 蒼梧郡	黃武五年割 歸廣州	零陵	今湖廣水洲縣 洮陽	零陵	漢為始安 今廣西桂林縣
武城	元谿	猛陵	今隸廣西梧州 零陵	始安	明全州	合浦	明橫州博白北流陸川
農城	新寧	建陵	黃武五年割 歸廣信郡	零陵	明灌陽	容縣	明臨桂陽朔興安靈川
臨允		高要	明屬肇慶	明蒼梧縣	明修仁縣	義寧古田永福	明臨桂陽朔興安靈川
明平南縣		明藤縣	明屬肇慶	明屬肇慶	明屬肇慶		



壽縣地置桂林郡

羊平

龍剛

即今武宣縣設官

交陽

明平南縣

同漢

武城

明平南縣

馬平

初分屬桂林郡  
後置馬平

馬平

明屬柳州府

縣及郡設官同漢

臨浦

明賓州

臨賀

從蒼梧之封  
陽等六縣為

封陽

明屬平樂府

官同漢

臨賀郡隸荊州設

臨賀

興安

臨賀

六縣

富川

謝沐

高涼高興四郡

統十郡六十八

興安

富川

二年辛丑

俱隸廣東

始安

七縣

始安

始陽

平樂

荔浦

蒼梧

土縣

高要

廣信

永豐

常安

建陵

端溪

新寧

鄆平

鬱林

九縣

布山

阿林

都羅

武城

元谿

臨允

安廣

始建

鬱平

新邑

晉平

領方

武熙

欽定四庫全書

粵西文載  
卷十

荆

成帝咸康二年  
丙申南海立東

官郡以始興臨  
賀三郡遷屬

晉康

新寧

永平

穆帝升平五年  
辛酉分晉

梧郡立三郡今按

晉康新寧郡屬縣

並未詳永平郡屬

縣容昌即今廢水

平郡屬縣容昌即

今廢普寧入容縣

宋武帝永初湘

二年辛酉

零陵

洮陽  
臨賀

臨慶

富川  
興安

始建

始安  
永豐

開建

撫寧  
謝沐

廣

蒼梧

平樂  
樂化

熙平  
荔浦

建陵

丁滔  
武化

廣陵

封興  
僑寧

遂成  
蕩康

廣信  
懷熙

猛陵  
思安

晉康

端溪  
都城

晉化  
樂城

賓江  
元溪

說城  
夫阮

安遂  
武定

永始  
文招

熙寧

安忻  
蘇平

夫寧

豐城  
瞰安

武寧

鬱林

布山  
阿林

新邑  
賓平

領方  
鬱平

建初  
威化

寧浦	孝建元年置縣二 五年立孝武	綏建 <small>文帝元年</small>	桂林	安遠 威定	中溜 武熙	建安	歸代 晉平	新林 安始
潤陽 寧浦		懷集 綏南		程安	龍定 陽平		綏寧 中胄	龍平 懷安
吳安 道興								



今象州皆是也

臨賀

宋秦始卒  
改為臨賀

是復為臨賀國

明賀縣

始安王國

梁  
制仍齊

桂

天監六年立桂州  
於鬱林舊境

因桂江以為名大  
同六年移於今治

建陵

武帝立

明桂林府

嶺山

明武緣

簡陽

分寧廬

明橫州

靜	嶺方 <small>以嶺方縣置</small>	東寧 <small>大同間置</small>	龍	南定 <small>割程林掌浦二郡立定州</small>	桂平 <small>於桂平縣置桂平郡</small>	明貴縣	明潯州府
南靜 <small>武帝分臨賀置南靜入改</small>			龍城 <small>大同三年八月見於江始即江之南置龍州及龍城縣</small>				
明平樂府		明賓州		明柳州府			

			陳	郡國井邑因梁		
					成	為靜州即今廢龍平縣
					梁信	分廣信置 選信縣及郡
					善置成州	
建陵	二郡陳置逍遙郡	逍遙	石南	象 縣如舊 以壽陽為象郡		
				石南		
					明興業縣	明梧州府





州及郡俱今隸廣東

明隸廣西

州及郡並隸湖廣

廣  
南海

懷集

永  
零陵

零陵  
馮乘  
湘源

越  
合浦

合浦  
北流  
定川  
南昌

隋煬帝大業  
始安

舊廢省  
府復郡縣邑

廢  
蕩山入富川歸化  
興安始安融州  
今義、融、贛、綏、越

元年乙丑

廢置不一

開江豪靜  
陽寧陽舞桂陵  
安樂博勞龍平







南恭

立山  
東區  
正義

界明永安州及荔浦修仁

融

銅  
六縣

融水

二縣

融水  
武陵

明融縣

白

南昌

奉南州  
蘇

新安  
南流

明屬梧州府

林

五縣

羅繡  
常林

皇化

明省入容縣

建寧  
龍臺  
郎平

淳良  
周羅

明屬梧州府

渭龍  
豪石  
宿昌

陵城

明省入鬱林州

淳	南尹	象		南義	南扶	
永定	鬱林	象	四縣	四縣	三縣	
武羅	永定	武化	西寧	武德	信義	歸誠
靈竹	潮水	馬度	懷澤	安義	潭峩	盧越
明水淳縣	明省入鬱林州			明屬柳州府	明東廣烏州府信宜縣	

南宕	南石	南晉 四縣	南方	南簡	寧浦 四縣	蒙澤	嶺山	明橫州
南巴 六縣	石龍 二縣		賀水 六縣		從化	寧浦		
陸川	潘水	石龍 陵羅	武緣 晉興	琅邪 上林	無虞	蒙澤	嶺山	明橫州
		橫山	賀水	止戈	思干			明武緣思賓州界
		朗寧						
			明屬南寧府					
			明廣東高州府					
			明陸川界					



昭

平樂

八年以樂署名  
三縣智舊

明為府

蒙

蒙

八年以蒙州署名  
三縣智舊

古

樂興

古樂開  
奉置三縣  
樂興

古書

容

普寧

年號署名  
五縣  
普寧

樂山

牢

定州

本燕燕  
南流  
定川

渭龍

欣道

明容縣

東北有牢石因更名

地置貞觀十一年以  
嵒川

徙治南流  
三縣

白

南昌

博白

周羅

明屬梧州府

繡

常林

常林七年以皇  
明潯州府及容縣界  
隸海澨歸誠

寶

懷德

信義

入羅繡

明入廣東高州府

置章安廢以縣隸  
瀘州六年復置八年

特亮

更名四縣

義

連城

元年高麗築  
縣隸連寧

奉溪

明屬梧州府

復置五年廢以縣  
隸南建州六年復置

連城

後第名義州三縣

邕

朗陵

八年高晉  
州更名六縣

宣化

明南寧府

澄

賀水

八年高晉  
州更名四縣

武緣

朗寧  
如和

晉興  
思籠

上林

明上林縣屬廣州  
止戈入思恩

賓

嶺方

五年折南方  
州之嶺惠

琅琊  
嶺方

無虞  
賀水

止戈

明廣州



環	籠	瀼	象	陽川
整平 <small>十二年李弘 節開拓生蠻</small>	扶南 <small>十二年李弘 節招生蠻</small>	臨潭 <small>十二年漳 公李弘節開</small>	象化三縣 <small>十三年徙漳武</small>	隋建 <small>十二年藤州來 陽壽入武遠入西寧</small>
置六縣	置七縣	鵠山	武仙	陽川
歌良	龍額	波陵	武化	
都蒙	正平	弘遠		
思恩	龍源	武禮		
武石	福零	扶南		
	福勉	武觀		

辨

陵水

九年更南石  
州名新州二

石龍

元年省德康羅

縣

潘

南潘

八年徙治瀋  
州八年更南

川高州德康羅

嵩州名潘州

八年省德康羅後改置  
昌平三年析置毛山名

潘水

川高州德康羅後改置  
昌平三年析置毛山名

南綏

至威州置  
豐清威成

明懷集及廣東肇慶府  
界

三縣入懷集既而又又  
廢威州之懷集齊州

之游壽縣南綏州八  
年更名須州十三年

州廢省移以四會  
化蒙懷集游壽屬

玄宗天寶

始安

至德間改建

明桂林府

元年壬午

復為桂州光化間  
陞靜江軍節度

懷澤

改貴州置

明貴縣

感義

本永平郡原  
隸藤州元年

鎮津

感義

明藤縣

更郡名感義四縣

義昌

寧風

安樂

本冀州常樂  
郡調齊二年

高城

恩封

石嵒

析橫貴二州置以嵒  
曰安樂郡至德二  
載更名常樂四縣

岡之北因名元年改

				田	橫山	開寶 開寶元十 二年廢後復置五 都救	惠佳
				宜	龍水	原屬襄陽 封事更名四 縣	如賴
		嚴		縣	龍水	明慶遠府	橫山
		循德	乾封二年招 來賓	天河	天水	豐寧州 遼東州 遼西州 遼東府 遼西府 遼東縣 遼西縣 遼東縣 遼西縣	武龍
		故桂林郡地置三	循德 敷濟以奉 德	東望			
	思唐		歸化				
	武郎	永隆二年析 龍蒙蒙州	明來賓縣				
置開元二十四年 為羈縻州建中元	武郎	思和					

牢

定川

屬寧東乾封  
三年將軍王

鸞林

鸞林

屬鸞林縣  
德三年析貴

果平鸞林復置三  
縣見前

明鸞林州興業縣

鸞平

興業

興德

潭衆

名四縣

黨

寧仁

本寧林縣  
水淳至開

綏安

古高麗地

明鸞林州

善勞

善文

縣

寧仁

古黨洞置八  
水淳至開

本安仁水淳



年更名四縣

順

順義

大歷八年容  
朔折禹羅舞白四

溫水 龍化

州置四縣

南河 龍豪

連城

懷德

常林

南昌

定川

臨賀

龍城

開江

平樂

蒙山

融水

樂興

普寧

潯江	永定	臨江	象郡	臨潭	扶南	整平	蒼梧



溫泉  
溫泉郡  
述昆

格州  
右屬羅泊都督府  
根州

歸順  
思剛

侯州  
歸誠

倫州  
石西州

恩思  
恩同

思明  
萬形

上思  
萬承

明為上石西州屬恩明府  
明為府  
明屬太平府  
明屬南寧府



道永六州皆下之  
桂管劉士政惧遣

其將陳可璠等不  
納殷楚達李瑣等

以兵七千攻之擒  
可璠等及其兵二

千餘人悉降之遂  
圍桂管虜士政盡

取其屬州天復元  
年取梧州五代周

廣順元年南漢主  
劉晟復取之盡有

廣南西路其州郡  
設官仍唐制

宋

桂州 仍唐舊制

明桂林府

							<b>廣南西路</b> 二州
							<b>十縣五十府三軍</b>
							<b>五賀州屬廣南</b>
							<b>東路大觀初割質</b>
							<b>州屬廣南西路</b>
							<b>靜江府</b> 本桂州 紹興間
							<b>臨桂</b> 靈川
							<b>興安</b> 荔浦
							<b>永福</b> 修仁
							<b>古田</b> 義寧
							<b>北流</b> 普寧
							<b>陸川</b> 明容縣
							<b>宣化</b> 融水
							<b>武緣</b> 融一縣
							<b>邕</b> 紹興三年
							<b>三路</b>
							<b>置容州皇祐分</b>
							<b>寧遠軍七年復</b>
							<b>遠節度六年廢</b>
							<b>容</b> 開寶四年改寧

尋	龔	藤	梧	昭	象
一縣	一縣	一縣	一縣	四縣	四縣
桂平	平南	鎮津	蒼梧	恭城	平樂 來賓
		岑溪	明藤縣	龍平 立山	陽壽 武化

武仙  
南康後無宣化縣

武化

明屬柳州府

明屬平樂府  
永安州



賀	本屬東路大觀 二年五月割屬	臨賀	富川
西路三縣		桂嶺	南渡後屬廣
平	崇寧中置復廢	西路	
從	崇寧中置後廢		

溪	大觀元年置四 年廢	桂嶺	明賀縣
孚	大觀元年置後廢		
庭	大觀元年置後廢		
允	崇寧中置後廢		

元世祖十五	兌 政和四年置宣 和三年廢	隆 政和四年置宣 和三年廢	觀 大觀元年置紹 興四年廢	那 崇寧五年納土	文 崇寧五年納土
靜江路總管	臨桂 靈川			明東蘭州	地 崇寧五年納土
理定	興安			明那地州	

年戊寅

府  
改宣慰司置  
以下路設官義寧  
荔浦修仁  
陽朔

同縣十

永福

古縣

梧州路  
至元至  
置安撫司

蒼梧

十六年改總管  
府設官同上縣

潯州路總管

桂平  
平南府  
至元十三年  
置安撫司十六年改總管府  
設官同上縣二

柳州路總管

柳州  
馬平



省臣言南丹州  
安撫司及慶達

路相去為近所  
隸戶少請之遼

立縣五

平樂府

縣四

平樂

恭城

龍平

立山

鬱林

至元十四年南流  
仍行州事縣興業

三博白

容州路總管

普寧

明容縣

北流



橫州路總管

寧浦  
永淳

府

至元十四年  
立安撫司十

六年改總管府  
設官同上縣三

融州路總管

融水  
懷遠

府

至元十四年  
置安撫司十

六年改總管府  
二十二年改解

州設官同上縣

二

藤州

至元十三年  
仍行州事設

鰐津

岑溪

明藤縣

富寧縣同

賀州至元十二年臨賀  
仍行州事縣桂嶺富川  
懷集

四

貴州至元十四年  
領樂林縣大

德九年省縣止  
行州事設官同

藤州縣四

思明路

明為府

大平路

明為府

田州路軍民

總管府

來安路軍民

總管府

鎮安路

明為府

明廢入田州

唐宋元土州縣沿革

唐

紓州

縣六東區言陵賓  
安南山都邦紓質

歸思州

思順州  
已上隸桂

蕃州

溫泉州

溫泉郡  
土貢

格州

述昆州  
州都督府

稷州

思剛州  
歸順州

本歸淳元  
和初更名

侯州

思同州  
思明州

歸誠州

倫州

石西州  
思恩州

州

萬承州  
上思州

功饒州

萬德州  
左州

鯤州

歸

樂州 青州 得州 七源州

已上隸邕  
州都督府

德化州

永泰二年以林觀符部落置縣二德化歸義

郎茫州

永泰二年以林觀符部落

分置縣郡

龍武州

大歷中以藩歸國部落置縣二龍丘歸字

歸化州

縣四

歸朝落都

龍州

土貢白蠟孔雀尾

萬泉州

縣一陵水

思農州

縣三武郎武容武全

為州

縣三都龍漢會武陵

西原州

縣三羅和古林

淡羅

林西州

縣二林西甘摘

思廓州

縣三都寧昆揚羅芳

全廊州

縣三羅嘉文龍祿榮

文葛甘即蘇物

新安州

縣三歸化賓陽安德

全廊州

縣三羅嘉文龍祿榮

提

上州

縣三長賓提頭朱綠

甘棠州

縣一忠誠

武定州

縣三福祿柔遠康林

都金州

縣四溫泉嘉陵甘陽都金

諒州

縣二武興古都

武陸州

開成三年都護

馬植表以武陵縣置

平原州

開成四年析都金州之平原館置縣三龍右平林龍富

龍

州武定州

真州

信州

思陵州

祿州

中宗時有單樂

省後

南平州

西平州

門州

餘州

歸州

暑

州

金鄴州

儀鳳元年置

羅伏州

儋陵州

焚德州

金龍州

哥富州

貞元十一年置

尚思州

貞元十二年置

安德州

貞元十二年置

南都護府

蜀爨蠻州十八

領州名逸

貞元十年

已上隸峯州

都督府

又有田州橫山郡開元中開蠻洞置貞元二十一年廢後復置

環州整平郡貞觀十二年李弘節開招生蠻置

古州樂興郡貞觀十二年李弘節開招獠置

又有黔州都督府所隸撫水州至宋改安化州者後隸

嶺南

宋

忠州 涼州 江州 萬承州 思陵州 左州 思

誠州

譚州

渡州

龍州

七源州

思明州

西

平州

上思州

祿州

石西州

思浪州

思同州

安平州

初曰波州  
元年改今名

員州

廣源州

勤州

南源州

西農州

萬崖州

覆利州

溫弄州

武黎縣

羅陽縣

陀陵縣

永康縣

武盈縣

右翫峒

憑祥峒

卓峒

龍英峒

龍聳峒

狹峒

武德峒

古佛峒

八趾峒

已上並屬  
左江道

思恩州

鷄州

恩城州

勘州

歸樂州

武義州

倫州 萬德州 蕃州 昆明州 楚鳳州 侯唐

州 歸思州 田州 功饒州 歸城州 武龍州

龍川縣元祐三年又改  
洞為州 已上並屬

慶遠府轄羈縻州十軍一監二

慶遠本宣  
州龍水郡

溫泉州 環州 鎮寧州領縣二 蕃州 金城州領縣三

安化州領縣四 述崑州 智州領縣五 懷遠軍領縣一

富仁監 富安監舊領思順歸化二州慶歷  
四年併入柳州府馬平縣

平州崇寧四年三月王江古州蠻戶納土於王口砦建

軍以懷遠為名割融縣融江文村潯江臨溪四堡砦並  
隸軍尋改懷安軍為平州仍置倚郭懷遠縣又置百萬  
砦及萬安巖於安口隘置允州及安口縣又於中古州  
置格州及樂古縣五年改格州為從州政和元年廢平  
州依舊為王口砦并融江文村潯江臨溪四堡砦並依  
舊隸邕州廢懷遠縣又廢從州為樂古砦并通靖鎮安  
百萬砦並撥隸允州又廢允州權留平州又權置百萬  
砦宣和二年賜平州郡名懷遠紹興四年廢平州仍為

王口砦隸融州十四年復以王口砦為懷遠縣

從州

廢置具平州

允州

廢置同上

庭州大觀元年以宜州河池縣置庭州倚郭縣曰懷德又於南丹州中平縣置砦曰靖南尋撥隸庭州大觀二年置安遠砦大觀四年廢庭州移靖南砦於廢孚州宣和五年移安遠砦於平安山置

孚州大觀元年以地州建隆縣置孚州倚郭縣曰歸仁四年廢孚州及歸仁縣為靖南砦先於南丹州中平縣

置靖南砦今移置此政和七年復置孚州及綏仁縣仍  
移靖南砦歸舊處宣和三年復廢孚州及歸仁縣置靖  
南砦大觀四年隸觀州紹興四年廢靖南砦

溪州大觀元年以宜州恩思縣帶溪砦置溪州四年廢  
地州崇寧五年納土大觀元年以地州建隆縣置孚州  
文州崇寧五年納土大觀元年置綏南砦紹興四年廢  
蘭州崇寧五年納土

那州崇寧五年納土

觀州大觀元年以南丹州為觀州置倚郭縣四年以南丹州還莫公晟復於高峰砦置觀州紹興四年廢觀州為高峯砦存留本門馬臺平洞黃泥中村等堡砦

隆州兌州政和四年置隆州兌州并興隆縣萬松縣宣和三年廢隆州及興隆縣為威遠砦兌州及萬松縣為靖遠砦二州先置思忠安江鳳憐金斗朝天等五砦並廢各隸新砦仍並隸邕州

元

左江二路轄州二十六縣九

思明路轄州九縣五 太平路轄州十七縣四

右江三路轄州三十一縣十九

田州路軍民總管府轄州六縣十三 來安路軍民總

管府轄州十六縣一 鎮安路轄州九縣五

又有慶遠南丹谿峒安撫司轄州十七

又有思州軍民安撫司轄 福州 永州 遷州 鎏

州 程州 三旺州 地州 忠州 天州 文州

合鳳州

芝山州

安習州

茅灘等團

安化上中

下蠻

粵西文載卷十